

# أوهام وأحلام

ما بين أوهام وبين أحلام وبين رؤية  
بنربط نفسنا ف ساقية  
توصلنا لبلاد نائية  
بنوصل..... بس من غير روح

.....  
ندور ونلف ونعافر  
نخاف ما لجوع عشان كافر  
نقع 100 مرة ونكابر  
ندارى عمرنا المديوح

.....  
وننسى امتى وليه وازاى  
سمعنا الناصح الفتاى  
وشايفين اللى رايح جاى  
وبنداوى الجروح بجروح

.....  
كلام تايه لناس مساطيل

سطلها شقاها.. وهدة حيل  
تغمض عينها طول الليل  
لكن صاحبة تفكر بكرة فين هتروح

.....

وناس عايشة تقول وتعيد  
وفوق حمل الغلابة تزيد  
قلوب جاحدة وفكر عبيد  
وريحة جهلهم بين الحروف بتفوح